



Broj: 13-03/1-31-2938/24
Sarajevo, 22.04.2024. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine" broj 35/05), člana 15. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21 i 40/22) i Odluke o usvajanju Programa utroška sredstava s kriterijima raspodjele tekućih transfera utvrđenih Budžetom Kantona Sarajevo Ministarstva za rad, socijalnu politiku, raseljena lica i izbjeglice Kantona Sarajevo za 2024. godinu ("Službene novine Kantona Sarajevo", broj 14/24), ministrica za rad, socijalnu politiku, raseljena lica i izbjeglice Kantona Sarajevo donosi

SOCIJALNI PROGRAM
KAO SKUP MJERA I AKTIVNOSTI KOJE SU USMJERENE NA PREVENIRANJE I
OTKLANJANJE STANJA SOCIJALNE NESIGURNOSTI POJEDINIH KATEGORIJA
STANOVNIŠTVA

Socijalni program kao skup mjera i aktivnosti koje su usmjerene na preveniranje i otklanjanje stanja socijalne nesigurnosti pojedinih kategorija stanovništva (u daljem tekstu: Socijalni program) donosi se u cilju poboljšanja socijalnog i sveukupnog stanja pojedinih kategorija stanovništva, a predmetni socijalni program sadrži četiri aktivnosti usmjerene na više različitih kategorija korisnika socijalne zaštite.

Za realizaciju predmetnog socijalnog programa su u Budžetu Kantona Sarajevo za 2024. godinu - Ministarstva za rad, socijalnu politiku, raseljena lica i izbjeglice Kantona Sarajevo ekonomski kod 614200, funkcija 107F, subanalitika NAM001 - "Socijalna zaštita" obezbijedena sredstva u iznosu od 150.000,00KM.

1. Zaštita žrtava nasilja u porodici

I Aktivnosti u okviru dijela socijalnog programa "Zaštita žrtava nasilja u porodici" u fokusu ima žene žrtve nasilja koje su bile smještene u Sigurnoj kući koja egzistira u sastavu Fondacije lokalne demokratije, a za koje stručni radnici Javne ustanove "Kantonalni centar za socijalni rad" - nadležnih službi socijalne zaštite i stručno osoblje Sigurne kuće, na osnovu svoje ekspertize i iskustva u radu sa ovom populacijom cijene da im je potrebno pružiti podršku i po izlasku iz Sigurne kuće.

II Cilj ovih aktivnosti je osiguravanje smještaja za žene žrtve nasilja koje su prošle tretman u Sigurnoj kući i po izlasku iz iste su nastavile da samostalno žive i rade, a sve u cilju njihovog dodatnog osnaživanja na socijalnom, ekonomskom i psihološkom polju, te sprečavanja povratka nasilniku.

III Korisnice ovih aktivnosti su žene i djevojke žrtve nasilja, odnosno osobe izložene zlostavljanju i nasilju u porodici kao utvrđena kategorija korisnika shodno članu 14. Zakona socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćeni tekst i 38/16, 44/17, 28/18, 52/21 i 40/22), a koje su kao takve registrovane u nadležnim službama socijalne zaštite, završile su tretman u Sigurnoj kući, te za koje se praćenjem zna da se nisu vratile nasilniku i da im je ovaj vid podrške potreban.

IV Shodno Protokolu o radu i saradnji Koordinacionog tijela na prevenciji, zaštiti i borbi protiv nasilja u porodici u Kantonu Sarajevo, Javna ustanova "Kantonalni centar za socijalni rad" u cilju zaštite žrtve nasilja u porodici, između ostalog, izdaje saglasnost i koordinira smještaj u Sigurnu kuću koja egzistira u sastavu Fondacije lokalne demokratije, te u saradnji sa Sigurnom kućom izrađuje individualni plan zaštite za žrtvu.

V U skladu sa potpisanim Protokolom o saradnji između Javne ustanove "Kantonalni centar za socijalni rad" i Fondacije lokalne demokratije o međusobnoj saradnji u radu Mobilnog tima, navedeni tim će pružati podršku i realizirati stručni rad sa korisnicama koje su obuhvaćene ovim programom.

VI Korisnice za koje stručni radnici Javne ustanove "Kantonalni centar za socijalni rad", odnosno nadležnih službi socijalne zaštite i stručno osoblje Sigurne kuće, na osnovu utvrđenih kriterija i praćenja njihovog stanja po izlasku iz Sigurne kuće, ustanove da se iste nisu vratile nasilniku i da im je potreban ovaj vid podrške u njihovoj borbi za egzistenciju i osamostaljivanje, dobiće novčanu podršku za plaćanje troškova podstanarstva i režijskih troškova. Spiskove navedenih korisnica će Javna ustanova "Kantonalni centar za socijalni rad" dostaviti Ministarstvu za rad, socijalnu politiku, raseljena lica i izbjeglice Kantona Sarajevo koje će vršiti isplatu istim.

VII Korisnice obuhvaćene ovim aktivnostima u okviru socijalnog programa će biti u obavezi da sredstva utroše za plaćanje troškova stanarine i režijske troškove u stanu koji koriste. Ukupna cijena koštanja stanarine i režijskih troškova isplatiti će se korisnicama u iznosu od 700,00KM.

Novčanu podršku će moći ostvariti najviše 15 žrtava nasilja, i to u iznosu od 700,00KM i u trajanju od najviše 8 mjeseci (do kraja 2024. godine).

700,00KM x 8 mjeseci = 5.600,00KM x 15 korisnica = 84.000,00KM.

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava, Javna ustanova "Kantonalni centar za socijalni rad" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosioци realizacije navedenih aktivnosti su Javna ustanova "Kantonalni centar za socijalni rad" i Fondacija lokalne demokratije, a nosioци provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.



2. Predbračno savjetovanje u cilju prevencije razvoda braka i porodične disfunkcionalnosti

I Aktivnosti u okviru dijela Socijalnog programa "Predbračno savjetovanje" imaju u fokusu aktivnosti u cilju prevencije razvoda braka kroz pružanje podrške mladima koji ulaze u prvu fazu životnog ciklusa porodice, a imajući u vidu da analiza statističkih podataka pokazuje da je broj razvoda u Kantonu Sarajevo u značajnom porastu u odnosu na raniji period. Imajući u vidu sve navedeno, ovaj je program dobio podršku za realizaciju od strane Ministarstva za rad, socijalnu politiku, raseljena lica i izbjeglice Kantona Sarajevo.

II Cilj ovih aktivnosti je jačanje kompetencija mladih za kvalitetan izbor partnera i izgradnju funkcionalnih partnerskih odnosa, kao i prevencija porodične disfunkcionalnosti.

Očekivani efekti realizacije planiranih aktivnosti su upoznavanje i psihoedukacija partnera sa specifičnostima partnerskog odnosa, sa modelima komunikacije u partnerskom odnosu, sa očekivanim i neočekivanim krizama unutar partnerskog odnosa, kao i prepoznavanje potrebe za stručnom podrškom u razrješenoj krizi unutar partnerskog odnosa.

III Korisnici ovih aktivnosti su parovi od kojih minimalno jedan ima prijavljeno prebivalište u nekoj od devet općina u Kantonu Sarajevo, te koji prijave vjenčanje u nekoj od općina u Kantonu Sarajevo. Mladima koji prijave vjenčanje u nekoj od općina u Kantonu Sarajevo će biti ponuđeno da prođu kroz ciklus edukacija na kojima će se obrađivati različite teme u cilju pripreme budućih bračnih parova za izazove koje sa sobom nosi zajednički život kroz jačanje kompetencija mladih za izgradnju funkcionalnih partnerskih odnosa, a onima koji prihvate učešće u predbračnom savjetovanju, te realiziraju vjenčanje u jednoj od općina u Kantonu Sarajevo u periodu trajanja socijalnog programa ostvaruju pravo na poklon vaučer u jednokratnom iznosu od 300,00 KM. Navedenim aktivnostima će biti obuhvaćeno najviše 120 mladih parova iz Kantona Sarajevo.

IV Aktivnosti ovog dijela Socijalnog programa će biti realizirane kroz interaktivne i edukativne radionice koje podrazumijevaju savjetodavni grupni rad i multimedijalne prezentacije za mlade parove sa ciljem sticanja znanja, vještina i kompetencija vezanih za partnerstvo.

V Kantonalna javna ustanova "Porodično savjetovalište" će prije realizacije predmetnih aktivnosti, sa općinama precizirati način dobijanja informacija o mladim parovima koji planiraju stupanje u brak, a u cilju njihovog uključivanja u aktivnosti predbračnog savjetovanja.

VI Aktivnosti će realizirati odgovarajući stručni kadar Kantonalne javne ustanove "Porodično savjetovalište", a Ustanova će obezbjediti i prostor i uslove za realizaciju savjetodavnog rada. Ustanova će sredstva – poklon vaučer za mlade bračne parove uplatiti na tekući račun jednog partnera, nakon dostavljenog zahtjeva za isplatu sredstava ovoj Javnoj ustanovi i priloženi vjenčani list i dokaz o prijavi mjesta prebivališta u jednoj od općina u Kantonu Sarajevo.

VII Ukupni troškovi realizacije predmetnih aktivnosti iznose **42.000,00 KM**, a neophodna sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi "Porodično savjetovalište".



Struktura utroška planiranih sredstava je slijedeća: **300,00KM (poklon vaučer) x 120 budućih bračnih parova = 36.000,00KM i 6.000,00KM za troškove organizacije radionica, troškove reprezentacije i štampanje materijala.**

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova "Porodično savjetovalište" je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je Kantonalna javna ustanova "Porodično savjetovalište", a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

3. Jačanje mentalnog zdravlja korisnika kroz podršku ustanova iz sistema zdravstvene zaštite

I Aktivnosti u okviru dijela Socijalnog programa "Jačanje mentalnog zdravlja korisnika kroz podršku ustanova iz sistema zdravstvene zaštite" imaju u fokusu aktivnosti u cilju uspostavljanja specifičnog programa rada kako bi se ojačalo mentalno zdravlje korisnika JU "Terapijska zajednica Kampus" Kantona Sarajevo kroz podršku profesionalaca iz sistema zdravstvene zaštite.

II Cilj ovih aktivnosti je, između ostalog, pružanje psihosocijalne pomoći kroz stručni rad zdravstvenih profesionalaca, ali i kako bi se uspostavila pravilna dijagnoza i pružila adekvatna terapija, obzirom da su korisnici JU "Terapijska zajednica Kampus" Kantona Sarajevo često upućeni na tretman i putem Zavoda za bolesti ovisnosti Kantona Sarajevo, kao i psihijatrijske bolnice Kantona Sarajevo. Kod ovih korisnika zbog zloupotrebe i aktivnog korištenja droga dolazi do pojave dualnih dijagnoza (shizofrenija, bipolarni poremećaj i ostali poremećaji koji zahtjevaju obaveznu medikamentoznu terapiju, nadzor i saradnju sa psihijatrom), posebno u adaptacijskoj fazi tretmana.

III Korisnici ovih aktivnosti su korisnici koji učestvuju u psihosocijalnom tretmanu (korisnici u tretmanu, korisnici u smještaju, korisnici u podršci i savjetovanju). Navedenim aktivnostima će biti obuhvaćeno oko 20 korisnika iz Kantona Sarajevo koji se nalaze na smještaju.

IV Aktivnosti ovog dijela Socijalnog programa će biti realizirane kroz radionice i edukacije o zdravstvenom prosvjećivanju korisnika, suportivnu psihoterapiju, pojedinačnu i grupnu psihoedukaciju, prevenciju kriminaliteta kod ovisnika sa stanovišta sudske psihijatrije, edukaciju o značaju rehabilitacije i mentalnog zdravlja za osobe u tretmanu ovisnosti i primjeni farmakoterapije u tretmanu ovisnika.

V Javna ustanova Terapijska zajednica – Kampus Kantona Sarajevo će prije realizacije predmetnih aktivnosti, sa ustanovama zdravstvene zaštite ostvariti potrebnu saradnju, te potpisati ili obnoviti sporazume o međusobnoj saradnji.

VI Aktivnosti će realizirati odgovarajući stručni kadar Terapijske zajednica – Kampus Kantona Sarajevo, a Ustanova će obezbijediti prostor i uslove za realizaciju navedenih aktivnosti.

VII Ukupni troškovi realizacije predmetnih aktivnosti iznose **14.480,00 KM**, a neophodna sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Javnoj ustanovi Terapijska zajednica – Kampus Kantona Sarajevo.



Struktura utroška planiranih sredstava je slijedeća: **Angažman neuropsihijatra 7 360,00 KM, angažman edukatora o zdravstvenom prosvjećivanju korisnika i stručnih radnika 5 520,00 KM, osvježanje učesnicima 800,00 KM, nabavka certifikata i zahvalnica 200,00 KM i završni event 600,00 KM = 14.480,00KM.**

VIII O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Javna ustanova Terapijska zajednica – Kampus Kantona Sarajevo je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.

IX Nosilac realizacije navedenih aktivnosti je Javna ustanova Terapijska zajednica – Kampus Kantona Sarajevo, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

4. Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja

I Aktivnosti u okviru dijela Socijalnog programa "Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja" imaju u fokusu aktivnosti u smislu unapređenja pružanja usluga djeci bez roditeljskog staranja i djeci i porodicama u riziku od razdvajanja, a sve u cilju preveniranja razdvajanja djece od svojih bioloških srodnika, korekcija ponašanja i jačanje životnih vještina.

II Cilj ovih aktivnosti je, između ostalog, pomoć u pravilnom rastu i razvoju u oblasti govora i jezika djece bez roditeljskog staranja i djece i porodica u riziku od razdvajanja kroz angažman logopeda, kao i osiguravanje novčanih sredstava za gorivo za prevoz djece u riziku od razdvajanja sa područja Kantona Sarajevo, koja će koristiti usluge Dnevnog centra.

III Korisnici ovih aktivnosti su djeca bez roditeljskog staranja, djeca u riziku od razdvajanja i djeca u procesu reintegracije kojima treba pomoć u pravilnom rastu i razvoju u oblasti govora i jezika, te djeca u riziku od razdvajanja – tipičnog i atipičnog razvoja. Navedenim aktivnostima će biti obuhvaćeno do 70 djece logopata i 20 djece u riziku od razdvajanja – tipičnog i atipičnog razvoja.

IV Kantonalna javna ustanova Dom za djecu bez roditeljskog staranja će za potrebe realizacije predmetnog socijalnog programa angažovati logopeda na nivou 15 sati sedmično, te izvršiti nabavku goriva neophodnog za prevoz djece - korisnika.

V Struktura utroška planiranih sredstava je slijedeća: **650,00KM (mjesečna naknada logopedu) x 8 mjeseci = 5.200,00KM** za potrebe angažmana logopeda i **3 040,00KM za nabavku goriva** za prevoz korisnika što **ukupno iznosi 8 240,00KM**. Neophodna sredstva će Ministarstvo za rad, socijalnu politiku, raseljena lica i izbjeglice Kantona Sarajevo prebaciti preraspodjelom sredstava unutar istog razdjela Kantonalnoj javnoj ustanovi Dom za djecu bez roditeljskog staranja.

VI O svakoj eventualnoj izmjeni statusa i drugim relevantnim pitanjima vezanim za drugačiji način utroška sredstava Kantonalna javna ustanova Dom za djecu bez roditeljskog staranja je dužna obavijestiti Ministarstvo za rad, socijalnu politiku, raseljena lica i izbjeglice Kantona Sarajevo.



VII Nosilac realizacije navedenih aktivnosti je Kantonalna javna ustanova Dom za djecu bez roditeljskog staranja, a nosioci provođenja monitoringa za realizaciju istog su Ministarstvo za rad, socijalnu politiku, raseljena lica i izbjeglice Kantona Sarajevo i Ministarstvo finansija Kantona Sarajevo.

VIII Po provedenim aktivnostima iz Socijalnog programa, navedene ustanove socijalne zaštite su dužne sačiniti i dostaviti u Ministarstvo za rad, socijalnu politiku, raseljena lica i izbjeglice Kantona Sarajevo narativni i finansijski izvještaj o realizovanim aktivnostima, i to Javna ustanova "Kantonalni centar za socijalni rad" za dio socijalnog programa Zaštita žrtava nasilja u porodici, Kantonalna javna ustanova "Porodično savjetovalište" za dio socijalnog programa Predbračno savjetovanje, Javna ustanova Terapijska zajednica – Kampus Kantona Sarajevo za dio socijalnog programa Jačanje mentalnog zdravlja korisnika kroz podršku ustanova iz sistema zdravstvene zaštite, te Kantonalna javna ustanova Dom za djecu bez roditeljskog staranja za dio socijalnog programa Podrška radu Dnevnog centra kao servisa podrške djeci čiji je razvoj ometen porodičnim prilikama i porodicama u riziku od razdvajanja. Rok za dostavu predmetnog izvještaja je 31.01.2025. godine.

Obaveza Ministarstva za rad, socijalnu politiku, raseljena lica i izbjeglice Kantona Sarajevo je da kontinuirano vrši monitoring nad provođenjem socijalnog programa kroz praćenje realizacije aktivnosti sa stručnog i finansijskog aspekta, te kroz analizu dostavljenih izvještaja ustanova i praćenja utroška sredstava.



Dostavljeno:

1. Ministarstvo za rad, socijalnu politiku, raseljena lica i izbjeglice Kantona Sarajevo,
2. Ministarstvo finansija Kantona Sarajevo,
3. Javna ustanova "Kantonalni centar za socijalni rad"
4. Fondacija lokalne demokratije
5. Kantonalna javna ustanova "Porodično savjetovalište",
6. Javna ustanova Terapijska zajednica – Kampus Kantona Sarajevo,
7. Kantonalna javna ustanova Dom za djecu bez roditeljskog staranja,
8. Evidencija,
9. Arhiva.